

圓悟佛果禪師語錄卷第十七

惠十

宋平江府虎丘山門人紹隆等編

高宗在藩邸三次請陞座說偈

善因招善果種粟不生豆大福德人修大福

德人受

八萬四千波羅蜜一毫頭上已圓成捧頭喝

下承當得高步毘盧頂上行

至簡至易至尊至貴徃還千聖頂顛頭世出
世間不可思議彈指圓成八萬門一起直入如

來地

頌月上女因緣

本來正體徹根源出入同途只此門已住如
來大解脫掌中至寶耀乾坤

示舟霞佛智裕禪師

二三四七初無間顯大威光示的傳把斷關

津勿輕放草深誰顧法堂前

寓言

昔聞沉巨浸一舉十二鼇持此淨華宿曾未
及秋毫濛濛大象中出沒安可逃只自且循
緣著意真徒勞

和靈源瞌睡歌

懵懵憧憧無已無鼻冗冗陶陶絕忘諦任信
流光動地遷不論冬夏唯瞌睡箇中滋味佛
不知空咄蚌蛤與螺師放身不管卧水底興
發長挨布袋兒鼻息如雷誰顧得尋常少見
有醒時沒醒時良有以要明瞌睡中宗旨從
來一覺到天明佛來不解擡身起縱使舒光
遍大千終難換我無憂底枝踝親渾打失驥
睡根靈莫窮詰有人契會便同參睡著須知
更綿密

修道者若虛庵銘

修禪道人隨身卓庵取名於佛果老子因與
名之若虛乃會三爲一也而不出本分事及
禪教求嘉云體若虛空沒涯岸佛經云佛真
法身猶若虛空混元云深藏若虛宣尼云寶

卷十

若虛云一滴滴水一滴滴凍只麼平常表裏
空洞根塵絕偶六門互用快住此庵十八不
共要覲罅隙灼然無縫應物非緣誰爲幻夢
因示衆

辨道應須辨自心心真觸處是通津直明格

外無生忍端作區中解脫人吸盡西江龐老
口搏將妙喜淨名身八風五欲莫能轉解向

塵中轉法輪

佛鑑和尚忌辰示衆

去年正今日泥牛闖入海今年正今日循界

舒光彩虛空無相身佛鑑儼然在非色亦非
心不小復不大劫石可移動箇中無變改要
知佛鑑恩各人明主宰一句逗群機志心常
頂戴且道是那一句喫飯咬著沙

送梵思禪老皖山住庵

脫去羈羅徹纏衝了無毫末可容象馬駒兒
踏誰禁得旣伯臺前去住庵

頌黃龍三關

我手何似佛手隨分拈華折柳忽然摸著她
頭未免遭他一口

我脚何似驢脚趙州石拗略約忽若築起皮
趙崩倒三山五嶽

人人有箇生緣躰身無地鑽研忽若眼皮透
破慮他桶底踢穿
送慧恭先馳之平江

一句單提越祖佛。痛劄針錐窮徹骨。出門便作獅子兒。敵勝驚群資返擲。平江古來豪俠。窟去去先通箇消息。此行不作等閑來。八面清風起衣袂。

送景元先馳之毗陵

當陽提起截千差。誰信風流出。當家要入塵中通一線。等閑開取鉢。晏華善專對。不辱命乃見摩醯三眼正。引著群靈使共行。明明直截曹溪徑。

示擇言禪人三偈

參禪參到無參處。窮玄窮徹玄盡頭。渴飲飢食只恁麼。世間出世沒蹤由。

機關並是閑家具。玄妙潭成破草鞋。鐵額銅頭超佛祖。橫拈倒捉一坑埋。

紅塵有底論成道。寒谷無人可作春。苟識拈華微笑意。一番拈弄一番新。

送修道者

不下笠子勘俱胝。一句擊出一古佛。如今歸去舊雲庵。參徧諸方善知識。卓卓頂門眼。輝騰如杲日。勉力傳持無盡燈。繼取末山舊蹤。

跡

三毒頌

溝壑難充一念欲泥犁求劫苦何堪悟將萬

法皆如幻慎勿容心暫起貪

未見世間爲大患焚燒功德莫過嗔頭頭遠

順須容却喜捨慈悲出六塵

羅刹無明徹底癡窮他正體發狂機猛操般

若金剛劍來斷渠儂撒手歸

妄起渾由三箇漢牽拖六道四生中偶然調

伏無功用端與毗盧性海通

送達侍者之武陵

臨濟昔遣將驗德嶠行令接住與一送果別
探竿影國師三度喚聲聲無不領負汝負吾

機直透千聖頂古人曾侍香根器如此警爾
數載巾瓶已合得正命今復自帝都直遊武

陵境打辨俊精神也要識禪病截斷風前句
奪取佛祖柄歸來大誇詫強將果然猛

衆生本來是佛

放愁放癡貪世味閑情誰管真如地有時得
片好風光十字街頭恣遊戲

送智祖禪德

一旬當機領千差路絕攀去來長若鑑宣寂
鎮如山百草頭峻孤雲世外閑行行牢把
著宜闡上頭闡

揚無咎觀察

示善友

昔在皇都參會夜與今豈復有差殊等閑乘
興重拈似閑堂捧腹一軒渠
佛祖命門提在手放開捏聚更非他已到懸
崖撒手處從來關捩子無多
示若平禪人

贊弼住山功已立荷擔長久志彌堅雲門庵
衲壓歐阜天上高天更有天追復古來清淨
刹他時會見美聲傳賓主相投膠漆合相與
弘持臨濟禪

此段本來無向背要須堅猛力行持金剛正
眼通身是萬境來侵莫管伊
送諸化士
豁達靈明印脚跟用來了不隔纖塵歷遊華
藏毘盧界把住牟尼百億身八寶七珍皆我

有左穿右穴與誰隣勞生袞袞堪垂手乃是
通方自在人

皎皎林間月悠悠天際雲去來非有累圓缺
本無垠逗水光常淨爲霖意不群溪山千萬
里同異許誰論

迦葉剎竿頭此老曾饒舌全體解承當祖祖
何曾別要明箇段事湏善觀時節遇著與麼
人眼中爲出屑庶見北山門戢戢皆雲衲妙
手廣施呈翻却驪龍穴
千聖頂顛頭有破天大路唯是無心人始能

閑著步恰如履平地日行千百度要引滿世
間一齊與麥去爾垂手入廊應須善回互閑
關處相逢當機宜把住似過金剛圈請盡情
分付歸來善法堂撾取大法鼓
覲面豁開三要印全機直明正法藏持去江
西顯本宗三日耳聾無伎倆要須撒手向孤
第六峯選甚懸崖千萬丈欲知稱意得錦鱗騰身
快入驚人浪

四料四賓主三玄及三要擊石火電光乃臨
濟垂範旣參臨濟禪亦須自點檢照用喝下

奇殺活杖頭驗以此入郊鄺大奮姜維膽光
榮作鳳輝七珍只一覽

無位真人赤肉團面門出入若爲看棒頭按
正風前令喝下逼將肝膽寒不立階梯那事
佛有真規矩得心安橫身百草顛頭用插手
驪龍窟裏翻要見衲僧全意氣如麻萬境莫
能干大緣墮手間能辨未信人生行路難
撥轉千差向上機攬旗奪鼓不饒任翻身路
地全生殺始是金毛師子兒

吸盡西江匹似閑作家豈復苟機關放教性

地平如砥成佛功歸一睂間
舉民公充座元有偈曰

休誇四分罷楞嚴按下雲頭徹底參莫學亮
公親馬祖還如德嶠訪龍潭七年往返遊昭
覺三載翱翔上碧巖今日煩充第一座百華

卷十
七

叢裏現優曇

送安首座回德山

使乎不辱命臨機貴專對安禪捋虎鬚著著
超方外不惟明窓下安排掇向禪床拶嶮崖
枯槁堅拂奮雄辯金聲玉振猶奔雷丸旬落

落提綱宗柄子濟濟長趁風解黏去縛手段
辣驅耕奪食尤雍容夏滿思山要歸去了却

武陵一段事勃窣理窟乃胷中行行不患無

知已臨行索我送行篇栗棘蓬裏金剛圈短
歌須要數十丈長句只消三兩言金毛師子
解翻身箇是叢林傑出人不日孤峯大哮吼
五葉一華天地春

真讚

睦州和尚

辛 辛 辣 辣 唔 唔 嘹 嘹 識 濟 北 爲 大 樹 摩 雲 門

墮嶮崖機峻莫偕言如枯柴夫是之謂陳蒲
鞋

死心和尚舍利

箇是黃龍老大蟲火後晶熒真舍利萬年如
日出世間與善知識作儀軌平生斥佛呵程
口於斯乃驗著實底留將法子法孫傳鑄處
放光常動地

六祖大師

稽首曹溪真古佛八十生爲善知識示現不
識世文書信口成章徹法窟葉落歸根數百

秋堅固之身鎮韶石皎如赫日照長空煥若

驪珠光太極定慧圓明擴等慈所求響應猶

空谷河沙可數德莫量併出渠儂悲願力

楊岐和尚

三脚驢子弄蹄行解道鉢盂口向天荷擔他

一百二十斤重擔子牽犁拽把無端壞却慈

明禪

白雲端和尚

楊岐腦後眼豈親透得金塵能幾人扶持臨

濟一拳拳倒黃鶴樓華劈二粗鼻孔依前捲

上唇

五祖演和尚

山前一片閑田地松竹引風長襲人說心說性老僧箇裏是惡口偏提賤賣擔板貼秤麻

三斤

真如皓和尚

叢林老作世無儔凜凜威光四百州一擊鐵

闕如粉碎恩大難將雨露酬

丹霞佛智裕長老請讚

奮雷霹靂赤肉團壁立星飛電擊臨濟命脉

渠儂突出驕地面門拶出初無一物三玄三

要輝赫分付佛智碎却人寧窟與祖宗雪屈

咄

華藏民長老請讚

臨濟正法眼卷十從這瞎驢滅父子不相傳神仙

有祕訣豈顧歟及兒孫且九圖眼中出肩逢人

好一劄切忌向渠說

道珠首座請讚

紫羅帳裏撒真珠夜明簾外提巴鼻句下三

要三玄何人親得的旨面門無位真人放渠

出一頭地

梵思維那請讚

單提臨濟正法眼當機密付要瞎驢無位真

人乾屎橛捧頭喝下絕名模當年海會大蟲
咬今日歐峯舉似渠圓悟不惜兩莖眉洪爐

焰裏綻芙蓉

惟祖知藏請讚

掃蕩佛祖不存性命鐵樹華開神駒十影圓

悟傳來臨濟禪忽雷驚震千峯頂

法一書記請讚

化城踏破寶所非留當陽截斷機關透出百
草頭揮臨濟之吹毛駕慈明之巨舟頭角
相似氣類相投全機一喝分賓主須信渠儂

鍾謾且神通遊戲圓悟當初一拳鎖斷衲僧
巴鼻

德珂禪人請讚

眼裏有瞳子頂門亞一指放出金剛圈舉世
提不起箇中領略要渠懷鐵作脊梁金作齒

惠十
恁麼便行喪兒孫不恁麼行校此子滅却正
眼瞎驢邊圓悟風光動天地

景元侍者請讚

生平只說聾頭禪撞著聾頭如鐵壁脫却羅
籠截腳根大地撮來墨漆黑晚年轉復沒忉

道元禪客請讚

臨濟正法眼藏突出三頭六臂忿怒慕撲空

得自由
子文監寺請讚

威如猛虎出深林皎若銀蟾轉太清望之儀
如即之也溫闡摩醯正眼於須臾突無位真

人於面門有誰領此豈可顯言分付子文

心

忉忉金剛鉗碎窠窟他時要識圓悟面一爲

渠儂併拈出

法昭維那請讚

大包無外細入毫芒現寶華王隨處道場建

立掃蕩正體堂堂一語壁立濟濟鏘鏘渠儂

此面目何人解提將圓悟栗棘蓬覲體沒商量
克賓話把擣諸方

韓朝議請讚

撥轉上頭關千聖須却步唯許箇中人要通
一線路具茨脫諸緣投誠信此事誓無雜用

惟表知藏請讚

心長時箭相狂貌出山野姿踞不蔭高樹接
杖正令行提持那一句善財鞠躬前風神全
體露氣類自相同美哉名父子

此著千聖頂顛上臨濟建立大法幢萬丈懸

卷十
崖解放身可以一口吸西江石火電光猶是
鈍虎肩挿翅定無雙

勝居禪人請讚

夜明符燭天吹毛劔照雪神威冷森森紅光
阿刺刺未啓口時當頭截欲入門來劈面喝

體裁相似可克家此地不容通水泄

若平禪老請讚

高擁毳袍橫按拄杖作意提綱截斷伎倆放
出向上一機千聖塊亡膽喪於此有人承當
便見千了百當圓悟杖頭一滴禪西江十八

灘俱張

曇玩禪德住頭陀巖庵請讚

盤陀石上橫按拄杖辟質儼然曾無伎倆不
施粟棘金園不愛起摸畫樣頭陀巖頂偶行
拳打著渠儂也沒量

懷祖知殿請讚

瘦而精健老有餘韻鼓兩片皮說法無客掃
併情識不留纖朕七處道場恰如一瞬有箇
不顧危亡僧剛地要來衝雪刃咄一

文皓禪人請讚

岷峨濯秀屹西南氣象盤回巒翠藍英傑間
生從古習豈容凍膾輒相參自不將領玷問
里賴有舌本操玄談得請居閑皓目擊持歸
先爲結茅庵

蘊遇小師請讚

日面月面並現印空印水雙彰撲先不留朕
跡格外亦絕承當父子至親路別各各頂有
圓光切恐與人明破此門豈可商量

禪人寫真求讚

泡幻中出枯木朽株頂缺神骨額無圓珠曾
遭海會毒龍咬快意追風天馬駒施設千種
十三
巧其實一物無若憑這箇見至了不識渠混
池未分時無此箇面孔泡幻既張皇乃具足
十種曾次不立纖塵口角波濤汹湧唯有一
件長變打破漆桶

乍嗔乍喜渾只由你最愛護人搖唇弄觜忍
草偏地生何曾澆法水傾倒心肝一句禪箇
此兒子猶呈瑞

模子中脫出佛果老古錐萬緣休歇處端坐
不言時移刻定動奮迅全威爲人到徹骨不

十四
惜兩莖眉

挈挈似紅藥跛跛如雲門殊無二老實空蘊
二老丈放下會事索破沙盆寶鑑一塵秋空
一片雲

一見便見了本來面敏手丹青應緣而現漸

近縱心愈見強健唯用金圈栗蓬要須千煥
百煉撒手萬仞崖頂門廊正眼

幻出成相真蘊其中挺然骨目四座生風傳
不可傳之心振不可振之宗老出皇都晚住
惠十
歐峯只這沒回互領略在渠儂咄

向中沒禪格外無玄當面不見斷莫可傳似
王溫潤如月孤圓氣媚川源光流大千

衲衣逋峭洁卓卓片段殘雲籠巨巒壁立萬
仞近不得無佛無祖無棒喝一口吸盡西江
水箇是圓悟嘗頭著

相現無相心出非心如印印空迥絕古今入
師子窟遼旃檀林脫去羈韁履薄臨深要識
圓悟立處孤峯萬仞巔

紅爐焰裏著點雪夜明簾外剔金燈萬丈寒
潭冰徹底妙高峯頂玉棱層等是渠儂遊歷
處萬機普應初不曾圓悟老來垂雙手無問
何人似我能

利刃斬虛空神箭穿紅日用吞十方口吹此
無孔笛如斯三十年不費纖毫力信彰直鉤
頭也有錦鱗食有眼自承當慎勿從渠覓大

機要頃發大用要直截馬師老百丈無端已
漏泄臨濟喚火來坐斷天下否此老據胡床
也要恁麼說說不說萬里青天一輪月

危坐盤陀風神峻整橫柂棵筇廓千聖頂誰
是仙陀未言先領一片風光奪人奪境圓悟
晚來益深沉華陰山頭百尺井

立地可成佛殺人不眨眼碎生死窠窟要箇
個儻漢圓悟從來提此著風前白雲曾喝散
當家種草可相從利劍七星光燦爛
句裏有出身突在千聖頂當機絕龍羅透徹

無邊境生平秉此金剛王四喝三玄格外領
面門拶却太周遮誰是瞎驢傳性命
覲面全真不計疎親虎頭燕領未盡渠神犯
斷關津不放過無邊刹海乃比隣

太虛寥廓憑誰悟翻身背擲真師子透頂透
底沒遮攔千峯峭絕轟一句略開圓悟上頭
關浮幢刹海閣著步

道不在丹青禪不在面相強自貌將來讚之
作何狀且就箇現成爲汝說一上赤水求神
珠得之由罔象圓悟老古錐老來沒伎倆英

禪把將去滔天袞白浪

本無箇面目突出六十七今沒強圖貌頂門
欠三隻七處入閻籬近來稍寧謐若更打葛
藤豈有休歇日三十年後與人看圓悟從前

沒窠窟

太清之雲明鏡之虛於無相中驚現此身考
實究竟以何爲真不出這箇一著最親透得
剔脫與古爲隣

道絕形相名存至公對現色身本體全空要
求巴鼻不西不東月映澄潭風搖古松十成

圓悟誰識渠儂

通身無影像溢目生光彩動用峭於山語默
深於海曠劫正如如箇中無變改跳得圓悟
金剛圈須信大功元不宰

真如禪人請讚

只這箇面見一乃萬要是箇中人手親即眼
忠子十五辨佛果應緣圓悟成現如如觸處得逢渠一
道神光本無間

真了禪人請讚

丹青有神貌活圓悟據坐儼如風光全露捺

膝聳身擡眸直顧歐峯頂上把要津一任青
冥轉烏兔

小佛事爲佛眼和尚舉哀

三十年行道海上第一人颯然恁麼去誰見
不酸辛雖然如是須知佛眼未曾生未曾死
未曾去未曾來正與麼時如何乃指龕云我
與雪峯同條生不與雪峯同條死要知末後
句分明普請大眾齊聲舉乃云哀哀
爲佛眼和尚下火

如來涅槃日娑羅雙樹間放出三昧火闍維

金色身有條攀條無條攀例故褒山佛眼禪
師道播四海名聞九州二十年間三據大刹
退席褒嶺宴坐鍾山以平生所受用栗棘蓬
驅耕夫之牛以楊岐所付囑金剛圈奪飢人
之食傳持一大事提振向上機衲子雲從諸
方景慕豈謂一彈指頃坐斷報化佛頭談笑
之間遽失人天正眼今則乾坤廓落人境蕭
條雪映高山風清大野圓頂後相放萬里神
光大眾正與麼時還委悉麼看取亘天紅焰
裏華發優曇大地春

爲智海法真和尚入龕
釋迦雙樹示寂偃卧吉祥法真智海告終端
坐行上四十年道價七十一生緣德福寰中
聲馳海外人天敬仰朝野傾崇比望求作梯
航長光佛祖豈期忙中縮手閑裏抽身最後
第十一
皇都大作佛事今則未埋玉樹先入雲龕公
案現成須至一決大衆因行不妨掉臂伎倆
不如帳樣爲瑞爲祥無邊無量請老和尚且
出方丈
爲妙禪人下火

昨日一箇正可憐今朝一箇更淒然覩身踏
著曹溪路妙體空空沒變遷妙師愛參禪祖
佛要齊肩索然恁麼去一念火中蓮生也浮
雲突出死也空華倏沒頂後圓同太虛畢竟
非心非佛大衆看取一道紅光燦破無生窯
窟
爲佛真大師下火
觸目菩提真解脫頭門正眼耀乾坤透得生
死關廓然無起滅佛真大師生平滴水滴凍
勇猛截鐵斬釘舉世重其爲人聞見莫不欽

歎內侍叢中跳出衲僧隊裏修行淵聖錫微

名皇后賜度牒驚群伏衆絕類離倫將謂萬
里前程豈期百年頃刻今則翻身長往透出

金圈粟棘蓬頂後圓光應現無生大火聚佛
真佛真急著眼保雲程一炬紅光纔舉處毘

盧頂上任縱橫

音釋

瞷

眼苦

合切

蚌

蛤

蛤白項

切

罅隙

罅隙

罅隙

罅隙

罅隙

罅隙

乞逆

衣前

切

蚌

胡管

胡管

胡管

胡管

胡管

胡管

胡管

胡管

胡管

攬

初衡

切

辣

郎葛

切

咤

咤

咤

咤

咤

咤

咤

咤

咤

咤

咤

咤

咤

咤

咤

咤

咤

咤

咤

咤

咤

咤

跋

火

切

挺

他鼎

切

轡

居良

切

跋

跋

跋

跋

跋

跋

跋

跋

跋

跋

跋

跋

跋

跋

跋

跋

跋

跋

跋

永樂北藏

圓悟佛果禪師語錄

第一五六冊